

ՓԱՍՏԱԲԱՆՆԵՐԻ ՊԱԼԱՏՆ ԱՌԱՋԱՐԿՈՒՄ Է ՓԱՍՏԱԲԱՆԱԿԱՆ ԳՈՐԾՈՒՆԵՈՒԹՅՈՒՆՆ ԱԱՀ-ՈՎ ՀԱՐԿԵԼՈՒ ԱՌԱՆՁՆԱՀԱՏԿՈՒԹՅՈՒՆ ՍԱՀՄԱՆԵԼ

14.09.2018 15:53



Հայաստանի Հանրապետության փաստաբանների պալատի հաշխատակազմը մշակել է «Հայաստանի Հանրապետության հարկային օրենսգրքում լրացում կատարելու մասին» ՀՀ օրենքի նախագիծ, որը ներկայացվել է ՀՀ փաստաբանների պալատի խորհրդի քննարկմանը:

ՀՀ փաստաբանների պալատի խորհրդի 11.08.2018թ. որոշմամբ հավանություն է տրվել «Հայաստանի Հանրապետության հարկային օրենսգրքում լրացում կատարելու մասին» ՀՀ օրենքի նախագծին և որոշվել է Հայաստանի Հանրապետության իրավասու պետական մարմնին ներկայացնել համապատասխան առաջարկություն:

Նախագծով առաջարկվում է անհատ ձեռնարկատեր փաստաբաններին և փաստաբանական ծառայություններ մատուցող իրավաբանական անձանց ազատել ֆիզիկական անձանց մատուցվող ծառայությունների համար հաշվարկվող ավելացված արժեքի հարկի վճարումից:

Ավելացված արժեքի հարկն անուղակի հարկատեսակ է և վերջինիս վճարման պարտականությունը փաստացի դրված է սպառողների, այն է՝ համապատասխան ապրանքները կամ ծառայությունները ձեռք բերող անձանց վրա: Հաշվի առնելով Հայաստանի Հանրապետության սոցիալ-տնտեսական ոչ բարվոք իրավիճակը, Պալատը գտել է, որ սույն հարկատեսակը լրացուցիչ սոցիալական բեռ է ազգաբնակչության համար: Միևնույն ժամանակ գիտակցվում է այն փաստը, որ հարկային արմատական բարեփոխումները պետական բյուջեի բնականոն համալրումն ապահովելու տեսանկյունից առայժմ կարող են լինել ռիսկային: Մյուս կողմից, հանրությանը մատուցվող մի շարք ծառայություններ առնչվում են մարդկանց առողջության պահպանմանը, ինչպես նաև գույքային և ոչ գույքային իրավունքների իրացման իրավական ապահովմանը, որոնք կենսական նշանակություն ունեն ցանկացած մարդու համար:

Համապատասխան ոլորտներում գործող ծառայություններից օգտվող ֆիզիկական անձինք հետապնդում են գերազանցապես անձնական կամ սպառողական նպատակներ՝ հոգալով անձնական կարիքները: Ավելացված արժեքի հարկի դրույթաչափի ներառումը ծառայությունների ընդհանուր արժեքում բարձրացնում է ծառայությունների գինը և նվազեցնում դրանց մատչելիությունը սոցիալական լայն շերտերի համար, որոնցից շատերը գտնվում են սոցիալապես ոչ բարվոք վիճակում, իսկ սոցիալական ապահովության պետական կառուցակարգերը կա՛մ բացակայում են, կա՛մ պատշաճ չեն գործում:


Նման պայմաններում պետությունը կարող է գնալ հարկային բեռի թեթևացմանը՝ հանրային կարևոր նշանակություն ունեցող մի շարք ծառայություններ ազատելով ավելացված արժեքի հարկից: Որպես այդպիսի ծառայությունների հնարավոր շրջանակ ընտրվել է փաստաբանական ծառայությունները:

Առնվազն այս ոլորտում ավելացված արժեքի հարկի չեղարկումը ֆիզիկական անձանց մատուցվող ծառայությունների մասով կնպաստի գնանկմանը և համապատասխան ծառայությունները կդարձնի բնակչության համար առավել հասանելի:

ԲԵՌՆԵԼ ՆԱԽԱԳԻԾԸ ԵՎ ՀԻՄՆԱՎՈՐՈՒՄՆԵՐԸ




14.08.2018 ՓԱՍՏԱԲԱՆՆԵՐԻ ՊԱԼԱՏԸ ՆԵՐԿԱՅԱՑՐԵԼ Է ՓԱՍՏԱԲԱՆԻՆ ՎԻՐԱՎՈՐԵԼՈՒ ԵՎ ԶՐՊԱՐՏԵԼՈՒ ԱՐԱՐՔՆԵՐԸ ՔՐԵԱԿԱՆԱՑՆԵԼՈՒ ՎԵՐԱԲԵՐՅԱԼ ԱՌԱՋԱՐԿՈՒԹՅՈՒՆ



14.08.2018 ՓԱՍՏԱԲԱՆՆԵՐԻ ՊԱԼԱՏՆ ԱՌԱՋԱՐԿՈՒՄ Է ՎԻՐԱՎՈՐԱՆՔԻ ԵՎ ԶՐՊԱՐՏՈՒԹՅԱՆ ՎԵՐԱԲԵՐՅԱԼ ԳՈՐԾԵՐԸ ՔՆՆԵԼ ՀԱՏՈՒԿ ՀԱՅՑԱՅԻՆ ՎԱՐՈՒՅԹԻ ԿԱՐԳՈՎ



14.08.2018 ՓԱՍՏԱԲԱՆՆԵՐԻ ՊԱԼԱՏԸ ՆԵՐԿԱՅԱՑՐԵԼ Է ԻՐԱՎԱԲԱՆԱԿԱՆ ԱՆՁԻ ՄԱՍՆԱԿԻՑՆԵՐԻ ՇԱՀԱԲԱԺԻՆՆԵՐԻ ԿՐԿՆԱԿԻ ՀԱՐԿՄԱՆ ԿԱՐԳԱՎՈՐՈՒՄԸ ՎԵՐԱՑՆԵԼՈՒ ԱՌԱՋԱՐԿՈՒԹՅՈՒՆ



14.08.2018 ՓԱՍՏԱԲԱՆՆԵՐԻ ՊԱԼԱՏԻ ԽՈՐՀՈՒՐԴՆ ԱՌԱՋԱՐԿՈՒՄ Է ՔՐԵԱԿԱՆԱՑՆԵԼ ՀԱՅՀՈՅԱՆՔԸ

Վերադառնալ \$(window).load(function(){ if(typeof \$(".fb_comments_count").html() != "undefined" && parseInt(\$(".fb_comments_count").html()) != 0){ updateCommentsCount(window.location.href); } })